



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XXVIII.

**urn:nbn:de:hbz:466:1-29452**

## DE VOLUNTATE DEI.

## CAPUT XXVIII.

## ARGUMENTA.

1. Quæ sit voluntas Dei, quam rogare debemus ut fiat.
2. Quæ sit voluntas Dei, quam ut nos facere possimus, rogamus, sicut faciunt angeli in cælo.
3. Quæ sit vera abnegatio propriæ voluntatis.

**V**oluntas Dei quæ sit, Christus ipse explicat, Ioan. 9. inquiens: Hæc est voluntas patris mei qui misit me, ut omnis qui videt filium, & credit in eum, habeat vitam æternam: & ego resuscitabo eum in nouissimo die, & Apostolus 1. Timoth. 2. Deus vult omnes homines saluos fieri, & ad agnitionem veritatis peruenire. Semper itaque petere debemus, ut hæc voluntas D E I fiat, ne ex parte nostra impeditur: impeditur autem Dei voluntas, quando carnalem nostram voluntatem facimus & sequimur, quando plūs diligimus & eligimus mundana & carnalia, & tenebras peccatorum magis quam lucem, Ioan 3. Sic etiam Christus arguit etiam Hierosolimitanos Matthæi 23. Quoties volui te congregare, quemadmodum gallina congregat pullos suos sub aliis, & enoluisti? Sic Christus voluit saluum permanere Iudam, & vocat eum amicum, Matt. 26. Amice, ad quid venisti? Ipse autem noluit, sed desperauit, & se suspendit, Mat. 27. Act. 1. Ut igitur mala nostra voluntas pereat, & Dei fiat, rogamus, ut Deus donet fidem, quæ sit efficax in nobis, ut eius voluntas de salute nostra impleatur. Est quoq; hæc petitio summè necessaria: nam si Deus non dederit fidem, dilectionem, timorem &c. nunquam hæc ipsius voluntas complebitur.

T 3 tur

tur de salute nostra, sed ipse donat & paratus est dare hęc omnia, quę ad salutem nostram requiruntur. Nam ideo mandat prædicari Euangeliū per totum orbem, Marci vltimo, Matt. 24. ubi nobis offert obsequium & beneficium, & vltro promittit salutem. Hęc non saceret, nisi voluntas ipsius esset, ut omni salui fieremus. Igitur causa damnationis & peccati voluntas Dei non est, Psal. 5. Neq; volens iniquitatem Deus tu es. Causa itaque damnationis & peccandi diabolus, instigans malum, & ipsa voluntas homini obediens diabolo, qui corrumpit voluntatem hominis, vt illi consentiat, & non diuinę voluntati. Vt ergo voluntas Dei in nobis præualeat, & efficiatur compleatur de nostra salute, orandum est.

Voluntas Dei est, quam à nobis vult cōpleri, illa est, vt seruemus illius præcepta. In his enim nobis expressit, quę à nobis requirat fieri, quę sibi placet & quę dispergit. Ideo inquit Mat. 19. Si vis ad vitam ingredi, serua mandata, quoties ergo seruamus illius præcepta, tories eius voluntatem facimus. ideo Mat. 7. Non omnis qui dicit mihi, Domine Domine, intrabit in regnum cœlorum: sed qui facit voluntatem patris mei qui in cœlis est, id est, seruat illius præcepta. Rā. 12. vt probetis quę sit voluntas Dei bona, beneplacita & perfecta, Eph. 5. Intelligētes quę sit voluntas Dei, id est, credere & illius seruare præcepta. Sic i. Thess. 4. Hęc est voluntas Dei, sanctificatio vestra, vt abstineatis vos à fornicatione, & sciat unusquisque vestryas suum possidere in sanctificatione &c. Hęc igitur est voluntas Dei, quam nos facere debemus, & sic obedientes esse Deo, sicut angeli sunt & tota cœlestis militia, in nullo resistentes. At inquis: Quis poterit implere præcepta Dei? ego non sum natura angelus, & caro odit legem Dei, Roma. 8. Nemo ergo poterit facere hanc Dei voluntatem: Respondeo, viribus humanis nō est possibile: at Spiritu sancto, qui datur adiuu-

adivuet nostram infirmitatem, Roma. 8. non estim-  
possibile: etsi immunditia carnis maculat opus, ne  
sic purè fiat, attamē placet Deo hēc obedientia, quōd  
primō persona per fidem in Christum est iustificata,  
& sic dicitur I. Ioan. 1. & 5. Mandata eius grauia non  
sunt, id est, non sunt ultra possibilitatem naturæ, si  
adierit Spiritus sanctus, sed erunt possibilia, in quan-  
tum in hac via nobis possibile erit: Sic parentes lo-  
nisi erant sine querela ante Dominum in obseruatiōe  
præceptorum, Luc. 1. at alia erit obedientia & multò  
perfectior in futura vita, quando moles carnis non  
temorabitur, ibi erimus sicuti angeli Dei, Matt. 13. &  
enā obedientes Deo per omnia sine murmure, sicuti  
Angeli in cœlo: ita enim de angelis canimus Psalm.  
102. Benedicite Domino omnes angeli eius, potentes  
virtute, facientes verbum illius, ad audiendam vo-  
cem sermonis illius, & iterum: Benedicite Domino  
omnes virtutes eius, ministri eius, qui facitis volun-  
tatem eius. Est igitur voluntas Dei quam à nobis sic  
exigit obseruantia præceptorum eius, atque nostra  
sanctificatio, obedientia etiam Euangelij, quōd si a  
liquid deerit, propter fidem non imputabit, scilicet  
de perfecta obedientia legis.

Quoniam petimus fieri Dei voluntatem, id est se-  
quitur, quod nostram propriam voluntatem abnega-  
mus, id quod maximè fieri debet & oportet, si saluari  
volumus. Hoc enim Christi exemplum docet, quo  
dicit Ioan. 6. Ego descendī de cœlo, non ut faciam vo-  
luntatem meam, sed eius qui misit me, sic etiam in  
horto Mat. 26. inquit: fiat voluntas tua: ita Christus  
voluntatem suam, alioqui rectissimam, voluntati pa-  
tris subiecit: & nos tunc verè nostram abnegamus vo-  
luntatē, quando in omnibus rebus Dei voluntatem  
preferimus, siue in aduersis, siue in prosperis, sanita-  
te vel infirmitate, vita vel morte, dicentes: Fiat vo-  
luntas tua: hos Christus beatificat, Matt. 5. dicendo:

Beati mundo corde, quoniam ipsi Deum videbunt,  
 Munda autem corda sunt, quæ in omnibus rebus  
 Deum vident, & eius ordinationem & dispositionem  
 agnoscunt. Sic David agnouit Dei voluntatem, quando  
 maledicebatur à Semei, 2. Reg. 16. dicens: Domi-  
 nus præcepit illi ut maledicat mihi. Sic Christus in-  
 quir Petro, volenti gladio ipsum defendere, Matthæ  
 vigesimo sexto. Calicem quem dedit mihi pater, non  
 vis ut bibam illum? Ideò non in hominem inimicum  
 nostrum respicere oportet, sed in Deum, qui hoc per-  
 mittit, & nos per illum sic humiliat. Felix homo qui  
 semper suam voluntatem offert diuinæ voluntati,  
 nec reclamat aut murmurat per impatientiam. Tali  
 voluntas quæ Dei præfert voluntatem in omnibus  
 consentit in crucem & tribulationem, semper Deo  
 gratias agit. Deindè precatur ne sua voluntas prau-  
 fiat, ut illam Deus impedit & custodiat à malo pro-  
 posito, sæpè proponimus malum facere, vindica-  
 re & occidere, furari, &c. est enim prauum cor  
 hominis: ideo ut Dei fiat voluntas, sem.  
 per orandum est.

*D E P A N E N O S T R O*  
 quotidiano.

CAPUT XXIX.

ARGUMENTA.

1. *Quid sit panis noster quotidianus, quem pro nobis ē teta Christianitate petimus.*
2. *Quomodo hunc panem comedere debemus quotidie.*
3. *Quare pro quotidiano, & non annuo aut perpetuo, pane nos Christus orare voluit.*

Quoniam